

# ՀՈՒՎԱԾՆԵՐ ԵՎ ՀԱՂՈՐԴՈՒՄՆԵՐ СТАТЬИ И СООБЩЕНИЯ

ՀԱԿՈՐ ՊԱՐՈՆՅԱՆԻ ՊԱՐԲԵՐԱԿԱՆՆԵՐԸ  
(Մեծ Երզնիսի թեմական 150-ամյակի առթիվ)

Պատմ. գիտ. դոկտոր Ա. Ա. ԽԱՌԱՅՅԱՆ

1872 թ. նոյեմբերի 14-ը ներկայումս «Մեղվի» խմբագրի պարտականությունները, նոյեմբերի 4-ի համարում տպագրված «Հայտարարության» մեջ Հ. Սվաճյանը հայտնում էր, որ «Մեղուի» տնօրինությունը, խմբագրությունը, գործակալությունը, վերջապես ամեն նեղությունը պ. Հ. Պարոնյանի հանձնված է՝ մեզի վերապահելով երբեմն անոր խմբագրության օգնականությունը<sup>1</sup>։ Հենց այս ժամանակից էլ «Մեղուն» բացառապես կրում է Հ. Պարոնյանի խմբագրական ու հրապարակախոսական անհատականության կնիքը, որ այս երգիծաթերթի առաջադիմական սկզբունքների շարունակությունն ու զարգացումն էր։ Կարճ ժամանակ անց Հ. Սվաճյանը հեռանում է «Մեղվից», թեև երբեմն զգացվում է նրա աշխատակցությունը։

Մինչ այդ, Պարոնյանը արդեն ճանաչված երգիծաբան-հրապարակախոս էր՝ առավելապես իր խմբագրած «Փող առավոտյան» և «Ծիրատ» պարբերականներով։ Նոր շրջանի «Մեղուն» և՛ իբրև երգիծաթերթ, և՛ որպես որոշակի ուղղության պարբերական, ունի իր շատ յուրահատուկ կողմերը թե՛ դադախարական, թե՛ երգիծական արվեստի տեսակետից։ Նորույթ էր հայերի հարստահարությունների հարցում թուրքական իշխանությունների հանցավոր անտարբերությունը սպանիչ սատիրայի ենթարկելու ուղեգիծը, ընդ որում, ուղղված որոշակի պաշտոնյաների դեմ։ Այդպիսի հանդգնություն չէր ունեցել մինչ այդ հրատարակվող որևէ երգիծաթերթ։ Ազգային իրավազրկության խնդիրը Պարոնյանը բարձրացնում էր առօրյա կենդանի փաստերով՝ քննադատելով մատուցելով գրեթե պատրաստի եզրակացությունը։ Յուրյ տալով բռնի տաճկացման փաստերը Սեբաստիայում՝ տեղի կուսակալի անմիջական հրահանգներով ու մասնակցությամբ, Պարոնյանը գրում էր. «Հիմա կուսակալ միայն սաշափ կըսենք, թե Սեբաստիայի այս կուսակալին օրովը Սեբաստիա երթալ ուզող հայերը հոս տաճկնան և անանկ երթան նե՛ մեծ դժվարութենե մը ազատած կըլան»<sup>2</sup>։ Քաղաքական անօրինակ սրություն ունի Հ. Պարոնյանի հոգվածը Ադրիանուպոլսի վալու բռնությունների մասին («Հավասարություն»), ըստ որում, Պարոնյանը ստեղծել է ներքին դիմադրական խմբագրության վերաբերյալ սկզբունքների կեղծիքը։ Երգիծաբանը ներկայացնում է մի սովորական դեպք՝ կուսակալի որդու թլպատման առթիվ թուրք ազգաբնակչության մեջ ծավալվում են զանգվածային թլպատումներ։ Իրենց մոլեռանդությունից թուրքերը բաժին են հանում նաև հայերին՝ թլպատելով մի տղայի։ «Մեր օգոստոսիառ սուլթանի քարոզած և հրամայած հա-

<sup>1</sup> «Մեղու», 4 նոյեմբերի 1871։

<sup>2</sup> Նույն տեղում, 23 սեպտեմբերի 1873։

վասարությունը և անխտրությունը աս աստիճան ջերմեռանդությամբ գործագրող պաշտոնյաներուն բլուր շնորհակալություն»<sup>3</sup>, — գրում է Երզնթաբանը:

Արևմտահայերի «Ազգային սահմանադրության» շղարշի ներքո 1860—1870-ական թթ. օսմանյան կառավարությունը իրականացնում էր նրանց մշակութային-կրոնական իրավունքները սահմանափակելու քաղաքականությունը: Եթե նախկինում Բ. գուռն իր հրամանագրերն ազգին էր ուղարկում պատրիարքարանի միջոցով, ապա 1870-ական թթ. այդ անում էին արդեն գավառական իշխանությունները, որով ոտնահարվում էին արևմտահայոց կրոնական առաջնորդի իրավասությունների սահմանները: 1872 թ., երբ սրվել էր Զմյուռնիայի առաջնորդական պաշտոնի շուրջ մղվող պայքարը, տեղի վալին դիմեց՝ կամայականության՝ խախտելով Բ. դուռն հաստատած սահմանադրական կարգը՝ ինքնակամ ավելացնելով հայ համայնքի քաղաքական ժողովի անդամների թիվը, մինչդեռ այդ անդամները պետք է ընտրվեին ժողովրդի կողմից: Ահա և այս իրողության երզնթական ընթացքի ցուցադրումը «Մեղվում»։ «Ըսել կըլլա, որ կուսակալը հիմա էլ ավելի անդամներ պիտի ավելցնե քաղաքական ժողովին վրա, և երբ խռովությունը բռնկվի մերնա Իզմիրեն, անատեն, բնականաբար, քաղաքական ժողովը բռնկվի պիտի վերնա»<sup>4</sup>:

«Մեղվում» ծայր է առնում Բ. դուռն տնտեսական ու ֆինանսական քաղաքականության սատիրական բացահայտումն ու մեկնաբանությունը, որին Պարոնյանը անդրադարձել է շատ անգամներ: Ընդհանրապես հայ քաղաքական երզնթանքը իր բազմակողմանի ու բարձրարժեք գրականությունները ըստացել է պարոնյանական «Մեղվի» էջերում: Այնուհետև, «Մեղվի» երզնթանքը Պարոնյանի գրչի տակ ձեռք է բերում երկակի՝ և՛ հրապարակախոսական, և՛ գրական արժեք: Երզնթանքի ժանրը գրեթե հավասարաչափ բաշխվում է այս երկուսի վրա՝ իրենով պայմանավորելով դրանց հասարակական բովանդակությունը: Այս տեսակետից էլ կարևորություն է ստանում նրա հրապարակախոսությունը և գրական ստեղծագործության փոխհարաբերությունների բացահայտումը: Այսպես, հայտնի է, որ «Ազգային ջոջերը» նախապես հղացվել են որպես զուտ հրապարակախոսական երզնթական դիմանկարներ և ապա մշակվելով դարձել ամբողջական գեղարվեստական երկեր: Կարելի է հիշել այլ թեմաներ ևս, որոնց լրագրական կամ հրապարակախոսական կատարումը հետագայում կամ միաժամանակ պետք է վերաճեր գեղարվեստական երկի: Այդպիսին է, օրինակ, «Ճառ» վերնագրով հումորեսկը<sup>5</sup>: Սահմանադրության տարեկիցին նվիրված այդ ճառը իր բացառիկ անմտությունը և անհեթեթությունը շատ է հիշեցնում «Մեծապատիվ մուրացկանների» բանաստեղծի մենախոսությունը:

«Մեղվի» բերած նոր որակներից պետք է առանձնացնել նրա երզնթանքի անհատական ու հասարակական որոշակիությունը: Նախորդ շրջանի (նաև հետագայի որոշ հրատարակությունների) հետ համեմատած, Պարոնյանի «Մեղուն» շատ ավելի հարուստ է ժամանակի գործիչների, իրողությունների, ազգային անցողիկների երզնթական ցուցադրումով: Այս իմաստով նորովի է ներկայացվում սահմանադրության քաղաքական բովանդակազրկության բացահայտումը: Վերը տեսանք, որ այդ սահմանադրությունը ամենևին էլ օրենսդրական ակնածանքի առարկա չի եղել օսմանյան կառավարության համար: Բայց այն հարգանքի առարկա չի եղել նաև ազգային շատ գործիչների աչքին: Սահմանադրության անունից ամենից շատ կուրծք ծեծողները, ինչպես նկատում է Պարոնյանը, ոչ մի ընդհանուր բան չունեն ազգային շահերի հետ: Համազգային երևույթի հայտնությունից անմիջապես հետո քողազերծվում է

<sup>3</sup> Նույն տեղում, 10 հունիսի:

<sup>4</sup> Զ. Պարոնյան. Երկերի ժողովածու. հ. 7, Երևան, 1969, էջ 141:

<sup>5</sup> «Մեղուն», 3 հունիսի 1871:

այդ ևրևույթը սեփական շահերին օառացեցնելու, գաղափարը նենգափոխելու կամ լիովին ոտնահարելու իրողությունը: Նշատակալաց է դառնում Պարոնյանի ևրգիծանքը, երբ ծաղրում է սնափառության ու մանրիկ կրքերի մեջ տարուբերվող ևրեսփոխանների կեցվածքը Ազգային ժողովում: Պատրիարք Մ. Խրիմյանի և նրա հակառակորդ քաղաքական ժողովի անդամների ժամանակ Պարոնյանը սատարում էր գավառի շահերով մտահոգ պատրիարքին: Խրիմյանի հակառակորդները զարմանալի համերաշխությամբ նետվեցին «Մեղվի» վրա՝ փորձելով այն վերջնականապես խափանել տալ: «Մեղվի» հրատարակությունը քանիցս դադարեցվել է այսպես կոչված ձախակողմյան ևրեսփոխանների կողմից: Այդ խմբակցության մեջ էին մտնում և՛ Նար Պեյը, Քր. Ղազարոսյանը, Օ. Խոճասարյանը և ուրիշներ: Առանձնապես մոլուցեղով էր գործում Նար Պեյը, որը ընթերցողների շրջանում իր ունեցած համբավի համար քիչ բանով չէր պարտական «Մեղվի» խայթոցներին:

Մեզանում գաղափարական պարտադրանքի ուժով անհերքելի ճշմարտություն էր համարվում այն, որ դեմոկրատ գործիչները միշտ և ամենուրեք խոնարհվել են ժողովրդի առջև, որովհետև ժողովուրդը անսխալական է և որ որևէ գործիչ մեծության առաջին չափանիշն այն է, թե որքանով է անխառն արտահայտել ժողովրդի տրամադրությունները: Նույնը պարտադիր է համարվել նաև Հ. Պարոնյանի համար: Իրականում Պարոնյանը (և ոչ միայն նա) խորապես համոզված էր, որ ժողովրդասեր հրապարակախոսը ինքն է նպաստելու հասարակական կարծիքի ձևավորմանը և որ ժողովրդի մեջ տարեբայնորեն շրջանառող կարծիքը դեռևս չի կարող հասարակական կարծիքի կամ ճշմարտության վերածվել: Այս առումով ուշագրավ է Պարոնյանի «Մեղուկին» դեմ հարձակողներուն» հոդվածը, որտեղ նա պնդում է, որ հավատարիմ է մնում ճշմարտությանը և անկախ ժողովրդի վերաբերմունքից, շարունակելու է իր սկզբունքային մեկացումները: «Այս պատերազմին մեջ, — գրում է նա, — ժողովուրդը հաղթվելով է, որ հաղթանակ կտանի: Որովհետև երբ ճշմարտության մը հայտնվելը ժողովրդյան դայրույթ կպատճառե, ըսել է, որ ժողովուրդը ճշմարտության դեմ կգիտնվի, ըսել է, որ ժողովուրդը սխալանքի մեջ է»<sup>6</sup>:

«Մեղուն» անսքող իր վերաբերմունքն է հայտնել արևմտահայ պարբերականների նկատմամբ, բանավիճել ըստ հարկին՝ գործի դնելով իր երգիծանքի անսպառ պաշարները: Պարոնյանը տարբեր առիթներով ձաղկել է մամուլի անսկզբունքայնությունը, հաճկատարությունը զորեղներին, ժողովրդի իրավունքների անտեսումը: «Մեղուն» դիպուկ երգիծանքով է գնահատել «Մասիսի» և «Փունջի» միջև տեական բանակռիվը և դատը «կենդանի» բառի, դրա ուղղակի և փոխաբերական իմաստների շուրջ: Նա սարկազմով է պատկերել նաև «Օրագրի» և «Մանգումեի էֆքյարի» նույնքան սնամեջ բանավեճը: Դրան նվիրված ֆելիետոններից մեկը՝ «Ճակատամարտ «Օրագրո» ընդդեմ «Մանգումեի» վերնագրով, իր տեսակի մեջ իսկական գլուխգործոց է<sup>7</sup>: Ստեղծվել է խիստ շոշափելի մի երգիծական հակադրություն երեվելույթի և էության միջև, որը երկուստեք ծիծաղելի է դարձնում մարտնչող կողմերին:

Հակառակորդների դեմ «Մեղվի» պայքարն իր ծայրակետին հասավ 1873 թ. սեպտեմբերին, երբ Պարոնյանը տպագրեց «Արտասուք «Մեղվի» հոդվածը: Երեսփոխանների և ժողովրդի փոխհարաբերությունների մեջ գերական ժողովուրդն է, իսկ ընտրված անձինք՝ նրա կամքն իրականացնողները, որովհետև երեսփոխանը նրանից է ստանում իր իշխանությունը: Այս ելակետից էլ շատ հստակ Պարոնյանը ներկայացնում է այդ իշխանության չափաշահումը՝ իբրև բռնապետության անցնելու դրսևորում: «Ժողովուրդեն ընտրված ըլլալով ժողովրդյան՝ քեղի տված իշխանութենեն զատ ուրիշ իշ-

<sup>6</sup> Նույն տեղում, 28 ապրիլի 1873:

<sup>7</sup> Նույն տեղում, 4 նոյեմբերի 1872:

խանութիւն կուգես ունենալ՝ ալ երեսփոխանութիւն չես, բռնավոր մ'ես»<sup>8</sup>,— գրում է Պարոնյանը:

Հոգւածը իրարանցում առաջ բերեց իրիմյանի հակառակորդ քաղաքական ժողովի անդամների մեջ: Նրանց կամակատար «Օրագիրը», «Փունջը» և «Մամուլը» Պարոնյանի հոգւածը մեկնաբանեցին որպէս ամբոխավարութիւն, կոչ ժողովրդին՝ հարձակվելու և բռնութիւն գործադրելու երեսփոխանութիւն վրա: «Օրագիրը»՝ միանգամայն իր խմբագրի ջղածիգ գործելակերպով, բանը հասցրեց այնտեղ, որ տպագրական տեսչության աչքին «Մեղվին» ներկայացրեց որպէս խռովարարի: «Զոյիլյան բանակը» հոգւածում Պարոնյանը հերքեց այդ ամբաստանութիւնը<sup>9</sup>:

Հայտնի է «Մեղվի» բանավեճը Գ. Այվազյանի «Մամուլի» հետ: Այս երգիծաթերթի խմբագրի հետ Պարոնյանը բախվում էր ոչ միայն իրիմյանի պատրիարքութեան գնահատման հարցում, այլև Վարդուկյան—Մաղաքյան հակադրութեան պատճառով: Գ. Այվազյանը պաշտպանում էր Մաղաքյանին, Պարոնյանը նույնն անում էր Վարդուկյանի անձն ու գործունեութիւնը բնութագրելիս: Հայտնի են նաև Պարոնյանի քննադատական խալիթող ելույթները մեծահարուստ Հ. Կյոշեյանի՝ «Մամուլի» հովանավորի դեմ<sup>10</sup>: Այս քննադատութիւնը, ի թիվս այլոց, առիթ է տվել ասելու, թե առհասարակ Պարոնյանը արտելութիւն է ունեցել մեծահարուստների՝ այդ «կեղծ բարեգործների» նկատմամբ: Իրականում յուրաքանչյուրի՝ այդ թվում և հարուստներին բնութագրելիս Պարոնյանը չափանիշ է ունեցել նրանց անձնական գործունեութեան ազգային օգտակարութիւնն ու անհատական առաքիչ-նութիւնը:

«Մեղվի» էջերում բազմաթիվ բնութագրական դիտողութիւններ կան «Մասիսի» վեհերոտութեան ու սկզբունքներից նահանջելու, «Մանգումեի էֆֆլարի» անհետեղական կեցվածքի վերաբերյալ, որ առանձին ուսումնասիրութեան թեմաներ կարող են դառնալ: Ժամանակի հայ մամուլի բնութագրական շատ գծեր, նրա առօրյան, լրագրական բարքերը իրենց բազմաթիվ կողմերով, որոնք այսօր ճանաչողական մեծ նշանակութիւն ունեն, իրենց արտացոլումն են գտել «Մեղվի» էջերում:

Պարոնյանը հարուստ լրատվութիւն է մատուցել ընթերցողին նաև դրպրոցի ու լուսավորութեան վերաբերյալ: Նա երդիծել է այդ դպրոցների ուսումնական հետամնաց ծրագրերը, դասացանկերը, անձեռնհաս տնօրեններին և այլ ստվերոտ կողմեր՝ միայն դրականը և առաջավորը հաստատելու դիրքերից: Այս ոգով «Մեղուն» ծաղրել է Սամաթիոս ս. Սահակյան և Ղալաթիո վարժարանները, Կ. Փանոսյանի Ազապյան իգական դպրոցը և այլն: Դասագրքերի ոչ միօրինակութեան առթիվ Պարոնյանը սրամտորեն ծաղրում է հոլովների քանակի շուրջ անվերջ վիճող «լեզվագետներին», և այս ծաղրը հիշեցնում է մեր ոչ վաղ անցյալի նույն բովանդակութեան բանակովները («Գրաբարի խնդիր»)<sup>11</sup>:

Պարոնյանի հրապարակախոսութիւնը «Մեղվում» ունի գեղարվեստական բարձր արժեք ոչ միայն իր երգիծական անզուգական արվեստի, անսպառ ու անսպասելի սրամտութիւնների, դիպուկ խոսքի և նրբանկատ հեզանքին՝ զուգորդվող կործանիչ սատիրայի, այլև այս ամենից անհրաժեշտորեն բխող ընդհանրացումների և հասարակական կարևորութեան պատճառով: 1874 թ. ապրիլին հրատարակելով իր նոր երգիծաթերթը՝ «Թատրոնը», Պարոնյանը նոր հորիզոններ էր բացում իր բարձրարվեստ երգիծանքի համար: Այս նոր երգիծաթերթը լույս տեսավ այն ժամանակ, երբ Հ. Սվաճյանը «Մեղվի» հրա-

<sup>8</sup> Նույն տեղում, 1 սեպտեմբերի 1873:

<sup>9</sup> Նույն տեղում, 12 սեպտեմբերի:

<sup>10</sup> Նույն տեղում, 21 և 25 հուլիսի:

<sup>11</sup> Նույն տեղում, 9 փետրվարի 1874:

տարակոթյան իրավունքը փոխանցեց Հ. Պարոնյանին՝ հնարավորություն տալով նրան հրապարակել ներսերում և մերովսանն ազգին ծառայելու<sup>12</sup>։

Հրատարակվելով 1874—1877 թթ., որը շրջադարձային ժամանակաշրջան էր կայսրության հպատակ ժողովուրդների համար, «Թատրոն»-ի հայտնի դալիս որպես հայ քաղաքական սատիրայի բարձրակետ։ Նրա տարերքը քաղաքական կրթիծանքն է, որը դրսևորվել է արևմտահայության անտանկի հարստահարությունների, թուրքական լիբերալ շարժման ու սահմանադրության, սուլթանիդի բռնակալական քաղաքականության սուր քննադատության մեջ։ «Թատրոնում» շրջանառում է ուղղամիտ և սրաթուխ երգիծանքը, որը օբյեկտը խոցում է ամենատարբեր կողմերից, այն մերկացնում էական ու կրկնողական հատկանիշների սատիրական այնպիսի համադրմամբ, որ հնարավորություն է տալիս շարիքը պատկերել իր երևույթի ու էության միասնության մեջ։ Այստեղ Պարոնյանը անողորմ է ու շիտակ, ամենուրեք՝ կարծեցյալ վստահ ու հանգիստավորի մեջ ծիծաղելին որոնող ու հայտնաբերող երգիծաբան։

Հայտնի է, որ Պարոնյանը պատրիարք Ն. Վարժապետյանի նկատմամբ ունեցել է ոչ միանշանակ վերաբերմունք, որ բացատրվում է ոչ թե երգիծաբանի անհետևողականությամբ, այլ իր՝ պատրիարքի հակասական ընթացքով։ Ն. Վարժապետյանը, թերևս, ամենադրամատիկ անձն է XIX դարի արևմտահայ հոգևոր գլուխների մեջ, որին վիճակված էր պատրիարքների ավանդական բարեհպատակային կեցվածքը փոխարինել (1877—1878 թթ. ոռո-թուրքական պատերազմի տարիներին և Հայկական հարցի միջազգայնացման շրջանում) ազգային ինքնորոշմանը հետամուտ եկեղեցականի վարքագծով՝ առաջացնելով սուլթանի ատելությունն ու ցասումը։ Անկախ իր ակնածալից զգացումներից, Պարոնյանը չվարանեց կշտամբելու նորոգող պատրիարքին՝ ընտրության առթիվ շնորհավորական շղագարող այցելությունների համար։ Պակաս սրամիտ ծաղրի շարժանացան պատրիարքի անհաջող փորձերը՝ սիրալիր ընդունելությունների միջոցով հաշտեցնելու միայնակ չհանդուրժող «աջակողմյան» և «ձախակողմյան» երեսփոխաններին։ Այդպիսի մի ընդունելության ժամանակ, նկատում է երգիծաբանը, «նեկտարի նման գինի շիշերեն կվազեր ուղղակի երկոտասան երեսփոխանաց կոկորդը, որպեսզի ազգային գործերն ուղղություն առնեն»<sup>13</sup>։

Պատրիարքի քննադատությունը «Թատրոնում» առավել սրություն ստացավ 1876 թ. հունիսին, երբ առաջինը շրջաբերական էր հրապարակել ի պաշտպանություն «օսմանյան հայրենիքի»։ Պարոնյանը բացառիկ անկեղծությամբ ու կրթատության հանդեպ եկավ շրջաբերականի դեմ, ցույց տալով, որ արևմտահայության շահերի և «օսմանցիության» քարոզների միջև ոչ մի ընդհանուր բան չկա և որ պատրիարքը անտեսում է «այն եղևնագործությունները, որոնցում հայոց ստացվածքն, կրոնքն, կյանքն ու պատիվը բռնաբարված են և կբռնաբարվին»<sup>14</sup>։ «Թատրոնը» կարևոր նշանակություն տվեց այսպես կոչված «կովկասյան խնդրույն» կեղծիքի (Ռուսաստանի դեմ արևելահայության կարծեցյալ ապստամբության մասին մամուլի տարածած ստահող լուրերի) բացահայտմանը, ցույց տալով, որ այդ գործում պատրիարքարանը աններելիորեն հապաղում է<sup>15</sup>։ Այս հոդվածի համար թուրքական իշխանությունները երկու ամսով փակեցին «Թատրոնը» (1876 թ. հուլիսի 31-ից մինչև սեպտեմբերի 29-ը)։ Հետագայում պատրիարքի հակաթուրքական դիրքորոշումը և արևմտահայության ինքնավարության հարցում Ռուսաստանի դերի բավական սթափ պատկերացումը պատրիարքի մտայ-

12 «Թատրոն», 6 ապրիլի 1874։

13 Նույն տեղում, 29 հունիսի։

14 Նույն տեղում, 31 հուլիսի 1876։

15 Նույն տեղում։

նության մեջ՝ Պարոնյանին մղեցին ըստ ամենայնի պաշտպանելու ներսեսի- գործողությունները: Իրանով է բացատրվում նաև պատրիարքի երգիծական դիմանկարի համակրական բնույթը «Ազգային ջոջերի» մեջ:

Ընթերցողի շրջանում «Թատրոնը» հասկանալի հարգանք էր հարուցում նաև Ազգային ժողովի անկողնակալ գնահատման պատճառով: Ուշադրու- թյան կենտրոնում էին երգիծաբանի սուր ելույթները Ազգային ժողովի ատե- նապետ Հ. Տատյանի դեմ: Երգիծաբանը ի ցույց էր դնում նրա ամբարտա- վան կեցվածքը երեսփոխանական ժողովում, նրա արհամարհանքը ժողովըր- դի և սյուս երեսփոխանների հանդեպ: «Վսեմափայլ պեյը» բռնությունից բա- ցի հակադրվելու այլ բան չունեի և «Թատրոնը» ենթարկվեց հալածանքների, սուլյսիակ երկամսյա դադարի (1874 թ. հոկտեմբերի 21-ից մինչև դեկտեմբերի 21-ը):

Սահմանադրական մարմինների գործունեությունը Պարոնյանը մշտա- պես պահել է իր քննական տեսադաշտում: Նա մերթ ժանակում է «ազգային սնտուկի» շուրջ հեղեղված ճամարտակությունները, մերթ՝ երեսփոխանների անիմաստ բանակոծիկները, անտեղծությունը ազգային գործերում և այլն: Ամե- նից տպավորիչը, թերևս, Արևմտյան Հայաստանի կացությունը անտեսելու քննադատությունն էր պարբերականում: Ինքը՝ Պարոնյանը հարստահարու- թյունների պատկերը ներկայացնում է ոչ միայն քրդական ավագանու և իշ- խանությունների սուր մերկացումներով, այլև դրանից բխող եզրակացություն- ներով: «Բալուի ազգայնոց վիճակը», «Հարստահարությունը» և նման բնույ- թի այլ հոդվածներում «Թատրոնը» բռնությունների դեմ բողոքի տրամադրու- թյուններ ներարկելուց բացի, առաջագրում էր սեփական ուժերով ըստ հնա- րավորին պաշտպանվելու գաղափարը: Բռնակալության ընդդիմանալու գոր- ժում Պարոնյանը առաջադրում էր տեղական սահմանադրական մարմինների և առաջնորդների ակտիվության խնդիրը: Բռնադատված վանեցիներին Պա- րոնյանը խորհուրդ էր տալիս «քաջ ըլլան, դժբախտության կուրծք տան և հաղթելու աշխատին»<sup>16</sup>: Պարոնյանը անվրեպ ցուցադրում է հարստահարու- թյունների գործում թուրքական իշխանությունների մեղսակցությունը: Պա- րոնյանի հեղինակն այստեղ հասնում է դասականորեն սեղմ ձևակերպման: «Բարեհիշամ կառավարության ուշադրությունը» հոդվածում նա գրում է. «Հա- րստահարությունը Մշո կուսակալ կարգված է, հարստահարությունն է Մու- շը կառավարողը»<sup>17</sup>: Դրան անմիջապես հետևում է Կարինի բնակչության տա- ռապանքները նկարագրող նամակը՝ սգո շրջանակի մեջ: Ընդդիմության նույն ոգով Պարոնյանը գնահատում էր թուրքերի մյուս եղենազորությունները: Զեյթունում թուրքերը հայի են սպանել, և այս փաստին «Թատրոնը» հակադ- րում է զեյթունցիների ավանդականորեն անհնազանդ ոգին. «Հայու մր սպան- նըվիլը նոր բան մը չէ, բայց Զեյթունի մեջ սպաննվիլը քիչ մը նոր է»<sup>18</sup>:

Բռնությունները ներկայացվում են նաև զավեշտի արտաքին շղարշի, իրականում՝ դրանք արդարացնող օսմանյան դատաքննչական մարմինների երեսպաշտ հիմնավորումների մերկացման ենթատեքստով: «ՍԵՐԱՍՏԻԱ- յում,—գրում է Պարոնյանը,—քանի մը թուրքեր կամ քյուրտեր թմբուկով եկե- ղեցի կմտնեն ու պատարագիլ քահանային մորուքը ածիլելով՝ եկեղեցվո մեջ- տեղը կխաղցունեն:

Ահա դեպի մը. որուն հարստահարություն անունը շենք կրնար տալ, որովհետև գործին մեջ ոչ դանակոծություն կա, ոչ ալ սպանություն, այլ խըն- դություն և ցնծություն»<sup>19</sup>:

«Թատրոնում», հնչուի և իր մյուս պարբերականներում Պարոնյանը խիստ լեզվով է խոսել եկեղեցու անարժան ներկայացուցիչների դեմ: Նա եր-

16 Հ. Պարոնյան. Երկերի ժողովածու. հ. 4, Երևան, 1965, էջ 117—118:

17 «Թատրոն», 22 նոյեմբերի 1875:

18 Նույն տեղում, 17 հուլիսի 1876:

19 Նույն տեղում, 15 դեկտեմբերի:

գիծել է նաև Պեյլին, Բերայի և Հարություն եկեղեցու քարոզիչ Ամբրոսիոս վարդապետին, Վանի տիրահույսակ Պողոս վարդապետին և այլոց։ Այսօր զարմանք կարող է հարուցել Պարոնյանի շարունակական և համառ պայքարը կրոնական ժողովի և նրա անդամների ապօրինությունների դեմ։ Այս հարցում Պարոնյանը հետևում էր Հ. Սվաճյանին, որը «Մեղվի» առաջնահերթ պարտականություններից մեկն էր համարում կղերի թերությունների բացահայտումով հասնել եկեղեցու բարոյական նկարագրի և հեղինակության բարձրացմանը։

«Թատրոնը» անհաշտ ուղեգիր է վարել հայ հանրության մեջ օտար դավանանքների տարածման դեմ։ 1870-ական թթ. մտքերը հուզող «ազգային միություն» (ազգային եկեղեցու և հայ կաթոլիկների մերձեցման) խնդիրը լուծելու հեռանկարում նա բացառապես նախապատվությունը տալիս էր ազգային եկեղեցուն, սակայն իրեն հատուկ իրատեսությամբ պաշտպանում էր համազգի հարանվանությունների համագործակցության մտայնությունը։ Միսիոներների առաքելությունը ծաղրելով, նա, միաժամանակ, բարձր էր կանգնած դավանական նեղմտությունից։ «Սով և բողոքականություն» հոդվածում նա ըստ արժանվույն է գնահատում բողոքականների մարդասիրական օգնությունը Արևմտյան Հայաստանի սովյալներին և քննադատում այն խմբագիրներին, որոնք այդ օգնության մեջ որոնում էին դավանական որոգայթներ<sup>20</sup>։ Պարոնյանը կղերամտության համոզված հակառակորդն էր՝ անկախ որևէ դավանանքի հանդեպ ունեցած նախասիրությունից։

Վերը խոսվեց Վարդուկյանի թատրոնի (թատրոն «Օսմանիյե») նկատմամբ Պարոնյանի նախասիրությունների մասին, որ հասնում էր նույնիսկ կողմնակալության, երբ խոսքը վերաբերում էր վերջինիս մրցակիցներ Մաղաքյանին և Չուխաճյանին։ Սակայն չպետք է մոռանալ, որ Պարոնյանի անձնական նախասիրությունները վերջանում էին այնտեղ, որտեղից սկսվում էին ազգային շահերը։ Այն բանից հետո, երբ Վարդուկյանը հաճո կեցվածք ընդունեց իշխանությունների առջև՝ կամավոր դրվելով (զուտ խորհրդանշական իմաստով) թուրքական բանակին, երգիծաբանը այլևս չխնայեց հին բարեկամությունը։ «Ես կրսեմ,—գրում է նա,—թե Վարդուկյան էֆենտին հայրենասիրական զգացումներով վառյալ՝ այդ որոշումը ըրած է, սակայն չգիտեմ, թե միշտ կառքով պտրտելու վարժած մեկը, յուր մորուքը սպասավորին սանտրել տված մեկը ինչպես կրնա զինվորություն ընել. ուրիշ բան է, եթե մեկը սետեայով (պատգարակով—Ա. Խ.) երթա պատերազմ և ամսականով մեկը բռնե՝ յուր մուրը անոր քաշել տալու համար»<sup>21</sup>։

Առհասարակ երգիծաբանը բացառիկ անողորմություն էր հանդես բերում, երբ խոսքը վերաբերում էր հայերի թրքասիրական ցույցերին։ «Թատրոնը» ծաղրածանակի ենթարկեց մի երկու տասնյակի չափ «հայ ազնվականների», հատկապես ոմն Թագվոր էֆ. Պարտիզպանյանի, որի գլխավորությամբ նշված անձինք կամավոր քաղաքապահ զինվոր էին գրվել։ Թագվոր էֆենտու «քաջությունը արդեն ծանոթ է յուր կոտորածներովը, զորս ըրած է տաճկերեն ֆրանսերենի թարգմանությանցը մեջ։ Մարդ կուզեմ, ուժ կուզեմ, սիրտ կուզեմ ասանկ խումբի մը դիմագրելու համար»<sup>22</sup>,—գրում է Հ. Պարոնյանը։

«Թատրոնում» Պարոնյանը դասական խորության հասցրեց քաղաքական աստիճանի ժանրը, որի հնարավորությունները երգիծաբանի գրչի տակ առավել տպավորիչ դրսևորվեցին Թուրքիայի և տերությունների դիվանագիտական փոխհարաբերությունների, Հայկական հարցի ձևավորման հետ կապվող իրավիճակների երգիծական բնութագրերի մեջ։ Այս թեմայով գրած գործերում Պարոնյանը ստեղծել է գործողության և խոսքի կոմիզմի արտակառգ սրամիտ նմուշներ, որոնք պարունակում են ընթերցողին կողմնորոշող ընդհանրադրումներ։ Ահա խաղաղության պատրվակով Կ. Պոլսում դումարված դեսպանա-

<sup>20</sup> Նույն տեղում, 12 հունիսի 1876։

<sup>21</sup> Նույն տեղում, 18 դեկտեմբերի 1876։

<sup>22</sup> Նույն տեղում, 22 դեկտեմբերի։

ժողովի գիշատչական նպատակների դիպուկ մերկացումը. «նախ և առաջ խաղաղությունը պետք է վախճա այդ դեսպանաժողովի մեջ մտնելու»<sup>23</sup>։ Անգլիական համբավված մարշալի Ռոբերտի, «քրիստոնեից շահերը» պաշտպանելուն հետամուտ քարոզչական աղմուկի մեջ Պարոնյանը ամենուրեք ցուցադրում էր բրիտանական կայսրության եսասիրական շահերը։ Այդ շահերով մտահոգված անգլիական հասարակական կարծիքը երգիծաբանը նմանեցնում էր հովանոցի, որը «հովը սաստիկ փչելուն պես՝ մյուս կողմը կդառնա կոր»<sup>24</sup>։

1575—1876 թթ. Բալկաններում թուրքական վայրագությունների և Եվրոպայում թուրքական հիդրայի գլխատման գործընթացի իրողությունները՝ միջազգային հարաբերությունների ընդարձակ հետնախորքի վրա, Պարոնյանը ներկայացրել է քաղաքական մեկնաբանի և երգիծաբանի զարմանալիորեն ներդաշնակ համադրմամբ, խոսքի և տրամաբանության համոզիչ ուժով։

«Թատրոնում» Պարոնյանը հաճախ է անդրադարձել 1876 թ. թուրքական սահմանադրությանը։ Երգիծաբանը արևմտահայ այն սակավաթիվ մտածողներից էր, որ ի սկզբանե բացասաբար տրամադրվեց օսմանյան սահմանադրության գործունակության նկատմամբ։ Դրա մեջ նա ամենից առաջ տեսնում էր ոչ թե օսմանյան հասարակության քաղաքական զարգացման, այլ դիվանագիտական նպատակադրման արտահայտություն։ Դիվանագիտություն, որ հետամտում էր խաբելու և՛ հպատակ ժողովուրդներին, և՛ եվրոպական տերություններին՝ արևելյան բռնակալությունը սահմանադրական թզենու տերեվով ծածկելու մտահոգությամբ։ Մաղրեկով այդ կեղծ սահմանադրական կեցվածքը, Հ. Պարոնյանը թուրք քաղաքագետներին խորհուրդ էր տալիս թերահավատ Եվրոպային համոզել յուրահատուկ գործելակերպով՝ սահմանադրություն մ'ալ կհրատարակեմք, որովհետև, ինչպես ըսինք, սահմանադրություն հրատարակելն ուրիշ բան չենք կրնար ընել մենք»<sup>25</sup>։ Սահմանադրական աղմուկ-աղաղակի մեջ Պարոնյանը նկատում էր թուրքակա՝ իշխանությունների ջանքերը՝ թաքցնելու ամենուրեք տարածված բռնություններն ու ապօրինությունները երկրում։ Այս տեսակետից շատ հատկանշական է, որ Պարոնյանը բացահայտում է սովորական քարոզչության տարածած ստահոգ լուրերը, թե իբրև Թուրքիան, սահմանադրություն հռչակելով, իր առաջադիմությամբ զերազանցել է Ռուսաստանին։ Ժամանակին օսմանյան վերնախավի և «նոր օսմաններին» խոհանոցում թխված այդ կեղծիքը հտրատել է մի օրերի թուրք պատմաբանների և օտապահա քաղաքագետների ելույթներում, ուստի և Պարոնյանի սպանիչ երգիծանքը այս հարցում լիովին պահպանել է իր տրդիական նշանակությունը։ Ահա թուրքական ապատեղեկությունների մերկացումը. «Հեռագրի մը խոսքին նայելով,—գրում է Պարոնյանը,— Մոսկվայի մեջ ժողովուրդը խլիլիլ սկսած է։ Ասդին-անդին թուրքի տխուրացած են, խնդրելով, որ իրենց ալ օսմանյան սահմանադրության նման սահմանադրություն մը տրվի... Ինչ կըսեք, մեր վիճակը սկսավ նախանձելի ըլլալ, հե՛հ», Ռուսիան պարապ տեղը մեծ վիճակը բարվոքելու կաշխատի»<sup>26</sup>։

«Թատրոնը» ծանակում էր օսմանյան խորհրդարանի խոսքերի հեղեղը, մամուլի սահմանադրական ազատության մասին ճամարտակող գործիչներին և այլն։ Օսմանյան սահմանադրական արհեստականորեն ուժեղացված ոգևորության մեջ Պարոնյանը հայտնաբերում էր թուրքական լիբերալ շարժման և պահպանողականության կայացրած համաձայնության աղափարական սնանկությունը։ «Թատրոնի» քաղաքական երգիծանքի սրությունն ու լայն շառավիղները բոլոր հիմքերու տալիս են պնդելու, որ շաբաթաթերթը ցատ ափելին կարող էր հասցնել, եթե դրան չխանգարեին պատժիչ գրաքննությունն ու

23 Նույն տեղում, 30 հոկտեմբերի։

24 Նույն տեղում, 4 դեկտեմբերի։

25 Հ. Պարոնյան. նշվ. աշխ., էջ 204։

26 «Թատրոն», 25 դեկտեմբերի 1876։

խմբագիր-հրատարակչի նյութական անհաստատ կացությունը: 1876 թ. հունվարից Բ. դուռը չդադարող հայաժանքներ սկսեց երգիծական հրատարակությունների դեմ՝ ձգտելով վերջ տալ դրանց քաղաքական մերկացումներին: Արդու Համիդի ժամանակ այս անհանդուրժողականությունը վերածվեց կատարյալ հայաժանքի: Երգիծաթերթերին պաշտոնական գաղափարախոսությունը մեղադրում էր անբարոյականության, «ընդհանուր հայրենիքի» քաղաքականությունը խայտառակելու, եվրոպական այլասերված բարքերն ու մտածողությունը ներմուծելու և այլ մեծ ու փոքր մեղքերի մեջ: 1877 թ. հունվարին Պարոնյանը յանկացավ դադարեցնել «Թատրոնը», սակայն որոշ «ընթերցասեր ազգային» օգնության խոստումով հուսադրեցին եղբիծաբանին<sup>27</sup>, որը շարաթաթերթը հրատարակեց ևս մի քանի ամիս: Նույն թվականի ապրիլին խիկարը՝ Պարոնյանի պերսոնաժը, մտավախություն էր հայտնում, թե Պետական խորհուրդը (օսմանյան սահմանադրությամբ կյանքի կոչված մարմին, որը իրականում Արդու Համիդի կամակատարն էր) մտադիր է իսպառ խափանել զավեշտական թերթերը («Դադարումն կսմիթնիր»)՝<sup>28</sup>: «Ով որ լրագրույն շոքովիլն կփափաքի, պետք է որ իր ձեռքովն դադարեցունեզան», — դրում էր Հ. Պարոնյանը<sup>29</sup>, հայտնելով իր մտադրությունը մոտիկ առաջիկայում իրականացնելու մասին: Կարճ ժամանակ անց «Թատրոնը» դադարեց:

1876 թ. հունվարի 1-ից Պարոնյանը խմբագրել է «Թատրոն բարեկամ մանկանց» կիսամսյա հանդեսը՝ «Թատրոնին» զուգահեռ: Առաջին անգամ չէր, որ երգիծաբանը մեկից ավելի թերթ էր խմբագրում, և այս հանգամանքը, մեր կարծիքով, հիմնականում բացատրվում է նյութական սուր կարիքը մեղմելու սկսկալությամբ: Դրանից առաջ, դարձյալ «Թատրոնին» զուգահեռ, Պարոնյանը հրատարակում էր «Թիյաթրո» արաբատառ թուրքերեն երգիծաթերթը (1874—1875):

«Թատրոն բարեկամ մանկանց»-ը առաջին մանկական երգիծական հրատարակությունն է հայ մամուլի պատմության մեջ: Երգիծանքն ալստեղ հանդես է գալիս իրեն բարոյական նպատակադրումների դրսևորման ձև և առաջնորդ ուժ: Ժամանակի մանկավարժական գրականության մեջ Պարոնյանը յուրը նորություն էր բերում՝ համընդհանուր և տաղտկալիորեն պարտադրվող ճշմարտությունները դեռահաս ընթերցողին հրամցնելով թարմ և մատչելի ժանրային հնարաններով, կատակներով ու սրամտությամբ: Պարբերականը նախատեսված էր «երեքից մինչև տասներեու տարեկան ընթերցողներու» համար: Մյն հարուստ տվյալներ է տալիս Պարոնյանի մանկավարժական հայացքների վերաբերյալ: Իր ընթերցողի հետ Պարոնյանը գրուցում է կատակով, սակայն աննկատելիորեն, նույն է ներառելով բարոյական ու մտավոր առժեքներ: Պարբերականի հետաքրքրաշարժ գրույթները, փոքրիկ պատմություններն ու խորհրդածությունները, պատկերադարձ նյութերը ամենուրեք ըույց են տալիս, որ խմբագիրը մանուկներին հաղորդում է առաքինության, հայրենասիրության և մարդասիրական զգացումներ: Բազմազան ու հետաքրքիր են ալի նյութերը, որոնք համակում են անհատական դեպի իմացությունը, բնությունը և նրա ղեղեկությունները: Բարոյական քարոզին փոխարինում են դեղարվեստական տարբեր միջոցները, որոնց շնորհիվ Պարոնյանը իր ընթերցողի մեջ ձևավորում է որոշակի վարքագիծ և ղեկավարական նախասիրություններ: Պարբերականի խմբագիրը ամենուրեք ելնում է բարոյական պարտքի դադարումից: որով և պայմանավորվում է նրա վերաբերմունքը մարդու և արտաքին աշխարհի նկատմամբ: Ոչ քիչ դեպքերում Պարոնյանը այդ պարտքը տատկեռադնում է կրոնարարական դաստիարակության արժեքներով և շեշտում իր ամենակարևոր նպատակը՝ «դեռահաս տղայոց դաստիա-

27 Նույն տեղում, 22 հունվարի 1877:

28 Նույն տեղում, 23 ապրիլի:

29 Նույն տեղում:

րակությունը, որով կարելի է պատվավոր մարդ և ներհուն քաղաքացի ըլլալ»<sup>30</sup>:

Պարոնյանը համոզված էր, որ բարոյական դաստիարակությունը սկսվում է ընտանիքից, ուստի նրա պարբերականը լեցուն է ընտանեկան, կենցաղային իրադրությունների մեջ իրենց փոխհարաբերությունները իրացնող դեռահասների ու մեծահասակների առօրյան պատկերող զրույցներով, պատմվածքներով, զվարճալի պատմություններով և այլն: Ընդ որում, Պարոնյանը կտրականապես դեմ է մարմնական պատիժներին կամ վախեցնելու միջոցով մանկան վրա ներգործելու արևելյան հետամնաց եղանակներին: Մանկան անհատականությունը և ինքնուրույնությունը խրախուսելու նպատակով Պարոնյանը նրա մեջ պատվաստում է նաև քննադատական վերաբերմունք մեծերի թերությունների հանդեպ: Այս կերպ նա սրամտորեն ընթերցողի աչքին ծածկելի է դարձնում անմիտ ընդօրինակությունները՝ պճնասիրությունը, վարքագծի, կենցաղի օտարամոտ նորմերը և այլն, մղում քննադատական դիրքի՝ նաև սեփական թերությունների նկատմամբ: Ճշդեհական թաթախումն անմիտ պատմվածքով (թարգմանական) այն միտքն է հայտնվում, որ սեփական արատների վրա ծիծաղելը օգնում է դրանցից ազատվելուն<sup>31</sup>: Պարոնյանը ձգտում է ընթերցողին հաճախ առնչել բնության հետ, նա բացառիկ նշանակություն է տալիս բնության ճանաչողական դերին: Իր հանդեսի բոլոր համարներում համառոտ տեղեկություններ են տրվում որևէ կենդանու, աշխարհագրական վայրերի և այլնի մասին՝ գրեթե միշտ պատկերազարդ ու հետաքրքրաշարժ: Մանկան ներաշխարհի մեջ պատուհան բանալով դեպի բնությունը, Պարոնյանը այն աղբյուրում է հայրենասիրական զգացումներին: Այսպես, Մասիսի մասին տեղեկությունները զուգորդվում են ազգային պատմության դրվագներով, իսկ Կ. Պոլսին նվիրված ակնարկում վիճակագրական տվյալներ են բերվում տեղի հայ բնակչության մասին (200 000), ընդամենը ույց է տրվում, որ ճառասուն հազարի մոտ ալ խեղճ խարիպներ կան, որոնք իրենց ընտանիքեն, տունեն-տեղեն հեռու՝ անտանելի խեղճության մեջ կապրին»<sup>32</sup>: Առանձնահատուկ ջերմությամբ են ներկայացվում Կ. Պոլսի հայ բնակիչները: Բարոյական գեղեցկությունը Պարոնյանը զուգորդում է դեղագիտական զգացումներին. «Աշխարհիս որ կողմը կուզես... հարցուր, չես կըրնար գտնել ազգ մը, ցեղ մը, որ Վանա և Մուշի հայերուն շափ վայելուչ կազմություն մը ունենա, մարմնով այնքան ուժեղ ըլլա, տեսքով այնքան դեղեցիկ և իր ահեղ կաղմվածքովն հանդերձ՝ այնքան ալ խոնարհ ըլլա վարքով»<sup>33</sup>: Ուշագրավ են արհեստների նկատմամբ հետաքրքրություն առաջացնող նյութերը՝ հեղինակային զվարթ ու սրամիտ մտորումներով: Մի շարք նյութերում մանուկների մեջ նախանձախնդրություն է հրահրվում՝ հաղթահարելու արհեստներին հատուկ դժվարությունները: Ծրգիծաբանը գործնական կրթության ամենահետևողական պաշտպաններից էր արևմտահայ իրականության մեջ:

Պարոնյանը հայ մանկական հրատարակության առաջին խմբագիրն էր մեզանում, որին հաջողվեց փոխադարձ կապ հաստատել իր դեռատի ընթերցողի հետ: Վերջինիս հետ նա նամակներ էր փոխանակում, առաջարկում էր հանելուկներ, կազմակերպում յուրահատուկ մրցույթ՝ հաղթողին ուղարկելով որևէ պարզև իր սուղ միջոցներից, իսկ մերժելու դեպքում խոսքը մատուցում էր այնպիսի սրամտությամբ ու նրբությամբ, որն, ընդհակառակն, պետք է բարձրացներ երեխայի տրամադրությունը<sup>34</sup>: Դասական գրողը դասական էր մնում նաև մանկավարժության բնագավառում:

30 «Թատրոն բարեկամ մանկանց», 1876, № 1, էջ 8:

31 Նույն տեղում, № 14, էջ 106—108:

32 Նույն տեղում, № 11, էջ 81—82, № 12, էջ 10:

33 Նույն տեղում, № 16, էջ 124:

34 Նույն տեղում, № 2, էջ 15:

«Թատրոնն բարեկամ մանկանցը» կարևոր տեղ է հատկացրել մանկան դեղագիտական դաստիարակությանը. այդ են վկայում նրա տպագրած թարգմանական և ինքնուրույն գեղարվեստական հոբելանսները, որոնց մի մասը, ի դեպ, որքան էլ անստորագիր, մատնում է մեծ երգիծաբանի անմիջական միջամտությունը կամ հեղինակությունը: Պարոնյանը օգտագործել է նաև առակի ժանրը (Գ. Այվադովսկու, Ն. Գալֆայանի առակները)՝ հաշվի առնելով դրանց բարոյախոսական լայն հնարավորությունները: Անկասկած, նյութական սղությանը պետք է վերագրել մանկական այս ևղակիորեն հաջողված պարբերականի վախճանը: «Թատրոնն բարեկամ մանկանցը» հրատարակվեց մինչև 1877 թ. սկիզբը: Հինգ ամիս անց, 1877 թ. հունիսին այս պարբերականը հրատարակվեց նոր խմբագրությամբ՝ կորցնելով իր ականավոր խմբագրին և, հետևաբար, իր հարստությունն ու հմայքը: 1879 թ. սեպտեմբեր—1880 թ. ապրիլ ամիսներին Պարոնյանը խմբագրել է «Լույս» պարբերականը: Այս ժամանակաշրջանում արևմտահայ մամուլը դեռևս ինչ-որ չափով օգտվում էր պատերազմում պարտություն կրած Թուրքիայի գաղափարական վարանումներից: 1880 թ. էր, որ Աբդուլ Համիդը պետք է անցներ համատարած բռնությունների իր քաղաքականությանը, որտեղ, ի դեպ, աղատ խոսքի և մամուլի ջախջախումը համարվում էր առաջնահերթ նպատակ:

«Լույսը» շարունակում էր «Թատրոնի» քաղաքական սատիրայի բաց արած լայն հունը: Այստեղ Պարոնյանը ամբողջացրել է իր երգիծական դիմանկարների շարքը՝ դրանց տալով հասարակականորեն բացառիկ կարևոր բովանդակություն: Երգիծաբանը դեռևս «Թատրոնում» սկսած այս շարքը լրացրել է նոր անուններով՝ Ն. Գալֆայան, Տ. Յուսուֆյան, Ստ. Ասլանյան, Հ. Տերոյենց և ուրիշներ, միաժամանակ վերամշակելով արդեն հայտնի ջոջերի դիմանկարները:

Երգիծական դիմանկարների ժանրը Պարոնյանը փոխառել է եվրոպական հրատարակություններից, սակայն կառուցվածքի հղացմամբ ու սեփական կատարմամբ այն օժտել է ստեղծագործական անկրկնելի անհատականությամբ: Զոջերի շարքը, ըստ էության, ժամանակի արևմտահայ կյանքի ու գործիչների համայնապատկերն է, ինչպես և դրանց նկատմամբ Պարոնյանի վերաբերմունքի անմիջական բացահայտումը: Պակաս կա՞նք չեն օսմանյան իրականության ու հասարակական տեղաշարժերի գնահատականները, հալ հասարակական գործիչների արժեքավորումը, ռեալիստական գրականության տեսական հիմնավորումները և այլն: Զոջերի դիմանկարներն ունեն (և այդ՝ անկարի դեղարվեստորեն անհրաժեշտ դրոտեսկից) ճանաչողական շատ կարևոր նշանակություն և այսօր անհնարին է թեկուզ մոտավորապես վերարտադրել անցյալ դարի 40—70-ական թթ. արևմտահայ իրականությունն ու մտավոր կյանքը՝ առանց Պարոնյանի այս դիմանկարային շարքի:

«Լույսի» քաղաքական ևրգիծանքի մեջ առանձնահատուկ նշանակություն ունի Արևմտյան Հայաստանի բարենորոգումների և Թուրքիայի ու տերությունների փոխհարաբերության արտացոլումը: Այս կտավածքի մեջ Պարոնյանը բույց է տալիս մերկ իրողությունը՝ իրական բարենորոգումների համար ո՞չ Բ. դուռը և ո՞չ էլ տերությունները չունեն ո՞չ ցանկություն և ո՞չ էլ քաղաքական որևէ ակնկալություն: Պարոնյանը ծաղրում է բարենորոգումները հրկոդ հանձնաժողովի անմիտ գործունեությունը: Հիշեցնելով «Վաքըթ» թուրքական թերթի այն հստարարությունը, թե բարենորոգումների համար ստեղծված ֆինանսական հանձնաժողովները մեծ տպավորություն պետք է թողնեն Եվրոպայի վրա, նա առաջարկում է ստեղծել ևս երկու այդպիսի հանձնաժողովներ, ռուպեսի «Եվրոպայի վրա ըլլալիք տպավորությունն ալ ավելի մեծ ըլլա»<sup>35</sup>. Այլ առիթներով ևս Պարոնյանը մերկացնում է բարենորոգումների նախապես կառուցված փակուղին՝ բարենորոգումներ հնարավոր չէ իրա-

կանացնել, որովհետև ֆինանսներ չկան, իսկ ֆինանսներ չկան, որովհետև բարենորոգումներ հնարավոր չէ իրականացնել, «Լույսում» ցույց են տրվում այս փակուղին պայմանավորող գործոնները՝ իշխանությունների ձեռնարկած միջոցառումների չնշխությունը, հետամնացության, կեղծիքի ու բռնությունների ավանդական մթնոլորտը կայսրության մեջ: «Արդ,—գրում է երգիծաբանը,—քանի որ դրամ գտնելու համար բարենորոգում պետք է, ու բարենորոգում ընելու համար դրամ պետք է, ըսել կըլլա, ոչ դրամի երես տեսնալիք ունիք, ոչ ալ բարենորոգման»<sup>36</sup>: Ընդհակառակն, բարենորոգումների ծխածածկույթի տակ բռնությունները ավելի կանոնավոր կերպով կշարունակվին»<sup>37</sup>: Կարսից Սեբաստիա գաղթող թուրքերը վայրագություններ են գործադրում հանդիպող հայկական բնակավայրերում, Դերջանում գայմագամը ինքն է բռնությունների անմիջական մասնակիցը, իսկ Վտնի իշխանությունները աչք են փակում հարստահարումները շտեմնելու տալով, արդարանալով, թե սա պայրամն անցնի, պետք եղածը կտնօրինենք»<sup>38</sup>: Պարոնյանը ծաղրում է Բեյքըր փաշայի բարենորոգչական առաքելությունը՝ գավառներում. նախքան մայրաքաղաքից մեկնելը, նկատում է երգիծաբանը, փաշան թող տեսնի տեղի հայերի սեփականատիրական իրավունքների ոտնահարումը, որը հողային սեփականության վարչության (էմլաքը իդարեսի) անիրավությունների արդյունքն էր<sup>39</sup>: Ինչ վերաբերում է Աբեգին փաշայի կարծեցյալ բարենորոգչական գործունեությանը և հայերին հարստահարող քրդերին իբր Ալբանիա աքսորելուն, Պարոնյանը պարզապես ցույց էր տալիս պրոպագանդիստական կեղծիքը. իրականում քրդերը Հալեպից այն կողմ չէին անցել, որ կապվում էր ոչ թե աքսորի, այլ նրանց սովորական քոչվորական տեղաշարժերի հետ: «Ավելի դուրին է Ալպանիան Հալեպ աքսորել, քան քյուրտերն՝ Ալպանիա»<sup>40</sup>,—նկատում էր նա:

Թուրքական քինախնդիր մամուլն այդ օրերին ակամա բացահայտում էր կառավարության գաղտնի մտադրությունները՝ քրդերին գրգռելով հայերի դեմ և արդարացնելով հարստահարությունները: Այս և նման այլ առիթներով Պարոնյանը սուր քննադատության է ենթարկել թուրքական «Ճեբրիտի հավատիս», «Վաքըթ» և «Թերեհմանը հաքըթաթ» թերթերի սադրանքները:

Քաղաքական անցքերի երգիծական մեկնաբանություններում Պարոնյանը խորամուխ էր լինում Անգլիայի արևելյան քաղաքականության մեջ: Այդ երկիրը, ինչպես նկատում է նա, հավատարիմ է մնում սեփական շահերի հավասարակշռության քաղաքականությանը, իսկ այդպիսի հավասարակշռությունը ապահովվում է թույլ երկրների տարածքների անդամաճատման հաշվին: «Լույսի» էջերում հանդիպում ենք Օսմանյան կայսրության ժողովուրդների իրական կացության և Անգլիայի աշխարհավարական նպատակների անակնկալ ու սրամիտ համադրմանը: «Բանկ օտոմանը» «Լույսում» պատկերվում է որպես Թուրքիայում տերությունների ծավալած կողոպտչական գործունեության խորհրդանիշ:

Հայկական հարցի ձախողումը Բեռլինի կոնգրեսում Պարոնյանը մի հայտնի չափով բացատրում է ազգային անմիաբանությամբ, իրարամերժ գործողությունների ու պատկերացումների բարդույթով: Հայկական հարցի ծագումն ու միջազգայնացումը նա դիտում է որպես հայ ժողովուրդին ազգային ինքնությունից զրկելու և դրան ընդդիմանալու դրսևորում: Հետագայում նա կտրուկ ժխտելու էր Հայկական հարցի ծագման պատահականության վերաբերյալ անհիմն տեսակետները, որպիսին պաշտպանում էր «Մանգումեի էֆեյարի» խմբագիր Կ. Փանոսյանը. «Թող «Մանգումե» այդպես հավատա,—գրում էր նա,—թե Հայկական խնդիրն ինքն իրմե ծագեցավ, ինքն իրմե մտավ եվրո-

<sup>36</sup> Նույն տեղում, էջ 349:

<sup>37</sup> Նույն տեղում, էջ 311:

<sup>38</sup> Նույն տեղում, էջ 308:

<sup>39</sup> Նույն տեղում, էջ 349:

<sup>40</sup> Նույն տեղում, էջ 337:

պակասն լրացրին նրանք և Անդրիոս խորհրդարանին մեջ, Իսկ եթե իրմե զատ ուրիշ հավատացող մը դռնե՝ թող բարեհաճի զայն ցույց տալ մեզ»<sup>41</sup>։

Պարոնյանը «Լույսից» հեռացել է 1880 թ. ապրիլին<sup>42</sup>։ Երկրորդ անգամ նա «Լույսը» խմբագրել է 1882 թ. սկզբին և կարճ ժամանակ անց այն թողել վերջնականապես։

1883 թ. հունվարին նա առանձին ժողովածուներով հրատարակել է «Ծիծաղ» պարբերականը։ Համիդյան սանձակոծ գրաքննության պայմաններում Պարոնյանը հարկադրված էր «Ծիծաղում» դիմել երգիծանքի դասական ձևերին՝ մեկին՝ ալլաբանությանը։ Երգիծանքի ուժը այս դեպքում ուղղվում է արատի և ոչ թե դրա անմիջական կրողի դեմ, որով մի հայտնի չափով սահմանափակվում են երգիծանքի կործանարար կարողությունները։ Բուն արատը ևս «Ծիծաղում» հանդես է գալիս ոչ իրական տեսքով, այլ դարձյալ ալլաբանորեն, ուստի ասելիքը ընթերցողը կարող էր կռահել միայն զուգորդումներով կամ ակնարկներով։ Երգիծաբանը ակներևաբար նախընտրել է նվազագույնը ոչնչից՝ մարդկանց փոխարեն հրապարակ բերելով նաև կենդանիներին։ Այստեղ դործում են նաև անձնավորված բարոյական հասկացությունները՝ նախանձը, զրպարտությունը, քսությունը, շահը՝ իբրև արատների մարմնավորումներ։ Սրանց են առնչվում Համբավն ու Բախտը, որոնք ամենուրեք շրջանցում են արժանավորներին։ «Ծիծաղի» ալլաբանական ծաղրը տարածվում է լայն շրջանով՝ պոլսահայ բարբերից մինչև հասարակական կյանքը, սահմանադրական մարմինների գործունեությունը, մամուլը, նրա գործիչները և այլն։ «Ծիծաղի» տեսարկներում հատուկ տեղ է տրված ժամանակի արևմտահայ գրական իրողություններին, որոնց գնահատականի մեջ ևս զրոսկորվել են Պարոնյանի գրական-գեղագիտական հայացքները։ Այստեղ Պարոնյանը քիչ է անդրադարձել աղգային-քաղաքական խնդիրներին։ Այս տեսակետից հատկանշական է «Մրջյուններուն բողոքագիրն»<sup>43</sup>։ Բեռլինի կոնգրեսում Հայկական հարցի ճակատագրի ալլաբանական պատկերը<sup>44</sup>։ Պարոնյանն արտահայտել է իր խորին հիասթափությունը «եվրոպական կոնցերտից» և Հայկական հարցի հաջողությունն առնչել ազգային ներուժի, ճիշտ դիվանագիտության և քաղաքակրթության արժեքները յուրացնելու կարևոր նշանակության հետ։ «Ծիծաղում» երթևեկում են Ազգային ժողովի դատարկամիտ երեսփոխանները, պոլսահայ հարուստ դասերը՝ իրենց իրական կենցաղով ու բարքերով, որոնց բացասական թանձր ուրվագծերի մեջ երգիծաբանն իրականացնում է իր բարոյական արդարացի դատաստանը։ Ազգային առաջընթացի գործում մեծ ակնկալիքներ ունենալով մտավորականությունից, Պարոնյանը անխնա ծաղրել է նրա թերությունները։ Բժիշկները, փաստաբանները, լրագրողները ներկայացվում են իրենց հատուկ, բայց և որոշակիորեն ձևախախտված թեոթությունների լաբիրինթոսի մեջ, որտեղ էլ ի հայտ են գալիս երգիծաբանի անսպառ ծաղրն ու սրամտությունները։ Սպանիչ է թերուս բժիշկներին տրված բնութագիրը նորավարտ «մասնագետի» հայտարարության մեջ, որտեղ նա «կիրոստանա նաև ձրիաբար անդիի աշխարհ զրկել իրեն ներկայացող աղքատ հիվանդները։ Սույն նորընծան կհայտնե նաև, թե հիվանդ շեղողներն ալ գեղեման ուղարկելու մասնագիտություն ունի»<sup>44</sup>։

Երգիծաբանը ծաղրում է գրականության մեջ շարունակ իրեն զգացնել տվող ոճի ճոռամությունը՝ հիմնականում նկատի առնելով ֆրանսիական գրականության էպիգոններին։ Մյուս գեղագիտական դրույթը գրականության ճշմարտագիտության խնդիրն է։ Այս ելակետային դիրքերից Պարոնյանը մերժում էր Ե. Տեմիրճիպաշյանի և Գր. Օտյանի փոխադարձ սքանչացումները, գրականության ներհայեցողական ըմբռնման դրույթը։ Առանձնահատուկ ար-

<sup>41</sup> «Արձագանք», 1883, № 37, էջ 525։

<sup>42</sup> Գ. Ս տ ե փ ա ն յ ա ն. Հակոբ Պարոնյան. Երևան, 1964, էջ 119—120։

<sup>43</sup> Հ. Պ ա ռ ո ն յ ա ն. Երկերի ժողովածու. Դ. 5, Երևան, 1965, էջ 26—29։

<sup>44</sup> Նույն տեղում, էջ 69—70։

ծեք ունի Ս. Յյուսարի «Մայտայի» այլաբանական քննադատությունը: Պարոնյանն այստեղ ամբողջացնում է իր ռեալիստական գեղագիտական մոտեցումները գրականության և իրականության փոխհարաբերության, գրականության բարոյական արժեքի, լրա արտացոլման հնարավորությունների և չափանիշների վերաբերյալ:

«Միծաղը» արևմտահայ երգիծանքի ինքնապահպանության խիստ ուշագրավ մի դրսևորումն է, երբ մասերը կորցնելու կամ ձևախեղումների գնով, այնուամենայնիվ, ամբողջը կարողանում էր փրկել անխուսափելի թշուշոգ ոշուշացումից:

«Խիկարը» Պարոնյանի խմբագրած վերջին պարբերականն է (լույս է տեսել 1884—1888 թթ.՝ 4. Պոլսում, Անդրիանուպոլսում և ապա կրկին Կ. Պոլսում): Իր ամբողջ ստեղծագործական կյանքում լինելով կոնկրետ ու հասցեագրված երգիծանքի պաշտպան, Պարոնյանը «Միծաղից» հետո փորձեց, ըստ հնարավորին, վերադառնալ իր նախասիրած սկզբունքներին:

Իր ամբողջության մեջ «Խիկարը» ավելի շատ գրական-գեղագիտական, քան հրապարակախոսական հրատարակությունն է: Այստեղ են տպագրվել Պարոնյանի «Քաղաքավարության վնասները», «Պաղտասար աղբարը», երգիծական պատժվածքներ, զրույցներ, այլաբանական որոշ պատումներ, թարգմանություններ և այլն: Այստեղ առավել քան նկատելի են գրական ու հրապարակախոսական ժանրերի յուրօրինակ սերտաճումները, որի ակնառու դրսևորումներն են «Քանի մը խոսք առ օրիորդ կամ տիկին պատմություն» խորագրով նյութերը: Այս և այլ երգիծական գործերում պոլսահայ բարքերի, ազգային մարմինների, դպրոցի և լուսավորության, եկեղեցու, մամուլի և այլ խնդիրները «Խիկարում» քննարկվել են երգիծաբանի սրատես հայացքին արժանի դիպուկ գրչով ու դասական վարպետությամբ: Բարքերի և բարոյականության երգիծումը «Խիկարում» կապվում է հայ ընտանիքի վերածնության նպատակադրման հետ: «Քաղաքավարության վնասները», «Առտնին տեսաբաններ» շաբաթը ժամանակի պոլսահայ բարքերի և միջավայրի հոգեբանությունը երգիծաբան: Հանրագիտարանն են: Պարոնյանն այստեղ հասել է ոսկերչական լրբին՝ աշխատանքի, նրա շատ պատմվածքներն ու պատումները, թրվում է, կրկնում են միևնույն թեման, սակայն նյութը բացահայտում են ամենատարբեր տեսանկյուններից:

Ազգային դպրոցի և մտավորականության ստորադաս վիճակը Պարոնյանը բացատրում էր հասարակության օտարումով: Թողնված լինելով բախտի քաջքներին, մտավորականը ենթարկվում է բարոյական դեգրադացման վտանգին: Երբից Պարոնյանը ինքնատիպ վերլուծության է ենթարկում մեծապատիվ մուրադկանի բարդույթը հասարակական գիտակցության մեջ: Հայտնի են հայ մամուլի վատտակաշատ մշակներից մեկին՝ Մ. Գաբամաճյանին օգնության հրավիրող կոչերը «Խիկարում», երբ նա գամված էր անկողնին՝ անդամալույծ և մոռացված ամենքից: Իրեն՝ մեծ երգիծաբանին ևս մի քանի տարի անց դարանելու էին նույն անտարբերությունն ու մոռացումը:

Եթե «Մեղվից» ու «Թատրոնից» և «Լույսից» դեպի «Միծաղ» Պարոնյանը երգիծանքի կոնկրետությունից անցում էր կատարելու դեպի այլաբանություն, ապա «Խիկարում» նկատվում է այս շարժման հակառակ ընթացքը՝ վերադարձ այլաբանությունից դեպի որոշակի ու կոնկրետ: Թաքուն բանավեճերից ու երկարաշունչ թարգմանություններից հրաժարվելով (որ ակնառու է Կ. Պոլսի առաջին շրջանի՝ 1884 թ. «Խիկարում»), Պարոնյանը Ադրիանուպոլսում և ապա կրկին մայրաքաղաքում իր երգիծանքին տվեց հստակություն ու նպատակասլացություն՝ լրիվ տեսանելի դարձնելով իր թիրախները: Տեսականորեն, սակայն, Պարոնյանը ավելին էր ենթադրում, նշելով, որ դա հնարավոր չէ. «Պահանջել իմեք («Խիկարից» — Ա. Խ.), որ խոսի այն լեզվով, որով կխոսեք երբեմն «Մեղվի», «Թատրոնի», «Լույսի» և ազգային ուրիշ լրագրող մեջ՝ անկարելին պահանջել է, որովհետև «Խիկար» լրագրական տեսչության

կողմն արտոնված թերթ մը չէ, որովհետև «Խիկարին» ձեռագիրներն գրաքննական բովանդակներն հետո կհանձնվին մամուլ»<sup>45</sup>, — գրում էր նա:

«Խիկարի» էջերում Պարոնյանը մշակեց երգիծական գովազդի ժանրը, առաջինը և թերևս, եզակին հայ մամուլում, որը, ցավոք, այսօր մոռացութիւնն է մատնված: Անդրադառնալով Կ. Պոլսի գրական կյանքին, Պարոնյանը աշխտեղ ևս ծաղրել է փրուտույց ոճը, նմանակութունը, գավառականութունը և ուլուն: Նա չի անդրադարձել «Արևելքի» և «Մասիսի» առաջ մղած գրական նոր շարժմանը: Սառնութունը, որ ստեղծվել էր «Արևելքի» երիտասարդ որսույնների և Պարոնյանի միջև, թերևս, նաև երգիծաբանի սուղ ժամանակը, նրան խանգարելին արձագանքելու իրապաշտական շարժմանը: Այսուհանդերձ, անկախ այդ շարժման որակներից ու դրանք արմատավորող երիտասարդ մտավորականների հետ ունեցած փոխհարաբերություններից, Պարոնյանը անպայմանորեն կանգնած է արևմտահայ ռեալիստական գրականության, ու գեղագիտության ակունքների մոտ: Բացի Պարոնյանից, այս ասպարեզում ուշադրավ նրանց էր նաև «Ծաթեր» ստորագրությամբ հեղինակը, որը «Խիկարում» դրաքննադատական նորը դիտողություններ է արել գրական երկի լեզվական միջոցների ու նրա բովանդակության վերաբերյալ: Կարևոր է այս հեղինակի մի այլ հոդվածը՝ Հ. Պարոնյանի «Պաշտասար աղբարի» մասին, որը երգիծաբանի այս գործը արժեքավորող առաջին լուրջ քննադատական խոսքն է արևմտահայ կյանքում:

Հ. Պարոնյանի խմբագրած պարբերականները և իր իսկ հրապարակախոսությունը ժամանակի արևմտահայ մտավոր շարժման ամենաբարձր արտահայտություններից են, որոնց նորովի ուսումնասիրությունը բազմաթիվ նոր ծախքեր կհայտնաբերի այդ շարժումն առավել լրիվ ու ամբողջական պատկերացնելու համար:

# ПЕРИОДИЧЕСКИЕ ИЗДАНИЯ АКОПА ПАРОНЯНА

(К 160-летию со дня рождения великого сатирика)

Доктор ист. наук А. А. ХАРАТЯН

## Резюме

1870—1880-е годы были самым плодотворным периодом редакторской и публицистической деятельности А. Пароняна. Именно за эти десятилетия он издал журналы «Пох аравотян» («Утренний горн»), «Мегу» («Пчела»), «Татрон» («Театр»), «Татрон барекам манкаш» («Театр—друг малышей»), «Луис» («Свет»), «Цндах» («Смех») и «Хпкар», помещая на их страницах собственные сатирические произведения. В публицистике А. Пароняна сатира своим острейшим была направлена против османского деспотизма, бесправия западных армян и турецкой действительности, попрания социальных, национальных и культурных прав армянского народа. В периодических изданиях Пароняна политическая сатира достигла классического мастерства, способствуя углублению в армянском народе настроений национального самосознания. В зависимости от цензурной политики турецкого правительства сатира А. Пароняна проявлялась в двух основных формах: от конкретного к аллегории и наоборот.

<sup>45</sup> «Խիկար», 1885 հունվար, էջ 194